

中國邊疆史志集成

東北史志

第三部

13

全國圖書館文獻縮微复制中心

中國邊疆史志集成

東北史志

第三部
13

全國圖書館文獻
縮微復制中心

新華書店
PDG

姆一班爲日後開辦蒙養院地步餘如半日學堂及官話字母學堂等需款無多畢業較易各屬之辦有成效者亦居多數惟學期短促作輟無時不復具述云

紀專門實業

吉省文化初開世昌年來方致力於普通教育惴惴焉以缺略是懼第思無專門教育無以儲深造之才而實業教育不興且影響於人民之生計則又昕夕籌之而迄未有艾也查原有之法政館暨外國語學堂均由前將軍達桂先後奏請設立其初法政館僅有速成班學生百二十名而外國語學堂開辦伊始雖云仿照京師譯學館辦法以日俄英法德五國語文爲主科嗣因費無所出僅授日俄兩國文字世昌先改外國語學堂爲方言學堂增設英文一科法政學堂則遵照憲政編查館新章於戊申秋考選完全科生八十名別科生六十名入堂肄業其原辦之速成科暨附設之憲政研究所於是冬及今春三月次第畢業即行停止並特開講習科飭令吉省候補投効人員一律入堂肄習蓋亦各省法政學堂官紳合校之通例也至若實業教育則於是年十月先就省垣東關外瓶建中等實業學堂一所額設學生一百六十名照章先辦豫科二年畢業後再行籌辦本科是邦土脈沃饒物產充牣天然農國故今春復飭學司就小東門外舊有之第十一小學堂校舍改立農業實習學

堂一所其教授宗旨專以實習爲重學成後擬選派分往各屬廣爲傳習並劃撥官荒藉資歷練物土之宜因地之利亦固其所此外如工科則勸業道辦有實習工廠藝徒學堂提學司辦有博物標本製造所均已具有萌芽而磐石縣設立之實業學堂雖名爲初等實於各種普通學外僅具粗淺工藝倘能從此推廣俾一切模型圖繪建築土木之學逐漸增進則吉長鐵道開通以後商業之發達當可預期也

附奏吉省遵設法政學堂分科肄業摺

奏爲吉省遵設法政學堂分速成完全兩科肄業並設講習科將各項官員實行考驗以儲真才而裨吏治恭摺仰祈

聖鑒事竊臣等前准憲政編查館咨會商吏部奏准考驗外官章程頒行各省設立法政學堂將各項官員切實考驗等因咨行到吉竊惟吏治之隆污視乎人才而人才之盛衰基於培養放任而聽其自爲雖賢者亦漸趨頹廢萃處而課以治理即中材亦日就明強况復時局多虞萬端待理因應之繁雜措注之艱難紛至沓來百倍曩昔非特闕茸拘迂殊無短長者不足以供任使即使勤於催科爛於判牘昔人所稱爲循吏者但於新理未曾研究一置之盤根錯節之交而立形顛蹶時易勢殊理固然也查吉省舊於將軍署內設課吏局飭令候補人員練習批判事等吏胥不足言法政也嗣於光緒三十二年冬間改設法政館暫假前將軍長順祠堂修葺開學考選速成科學員一百名官紳並收分主要附設兩學科限二年畢業規模略具惟校舍無多學員皆寄宿校外精神渙散非惟管轄無術不能示整齊畫一之規而往返需

時亦難收講授觀摩之益因陋就簡非所以培材也臣等抵任後擇省垣德勝門外演武廳左近勘定地段估工建築共造成學舍一百二十一間定名爲法政學堂仍照章由提學使管理並檄委候補道錢宗昌爲該堂總理考選完全科學生每年定額八十名分豫科正科兩級統限五年畢業現先習豫科應俟肄業年滿擇其合格者始准陞入正科以資深造其原設之速成科截至本年冬間兩年期滿畢業後即行停辦吉省月選分發及投効人員並原有候補各員自道府以下照章均令考試應行入學者一律送堂特開講習科肄業遵照館章定爲一年半畢業分別勸懲一切考驗甄別辦法均按照定章參酌本省情形核實辦理庶於因地制宜之中仍寓澄清仕途之意講習科學員卒業即照此次章程分別委用降黜速成完全兩科畢業應仿照各省學堂給獎成案核辦至前後動支經費計開辦法政館經費共用銀六千七百餘兩嗣因建築法政學堂並購置器具等項共用吉省官價銀六萬兩有零速成科額支每年需官價銀三萬六千餘兩完全科豫科額支每年需官價銀三萬二千餘兩講習科額支刻因赴考學員未能截數無從豫算擬請隨時核支刻均

由度支司籌墊動用應准作正開銷造冊具報除將詳細章程咨送憲政編查館暨吏學二部查照外所有遵設吉省法政學堂並實行考驗本省官吏緣由理合恭摺具陳伏乞


皇太后

皇上聖鑒謹

奏光緒三十四年八月二十日具奏九月十三日奉

硃批該衙門知道欽此

夏三令月



附奏吉林改建方言學堂動支經費片

再吉省前因交涉日繁需材孔急非造就譯材不足以資任使當經前署將軍達桂於上年四月間奏請設立外國語學堂肄習歐亞方言飭派前翰林院編修貴鐸充當監督並聲明該堂薪資工食各項零費作正開銷等因奉

硃批該部知道欽此欽遵在案嗣因建築校舍經費不敷因就吉省舊有機器局空廢房廠修改設立並改名爲方言學堂計先後修理堂舍一百餘間應需工料錢四萬六千六百九十四千九十文又購買棹椅操衣鋪墊等錢一萬二千五百七十八千七百文置備圖書儀器及教科書等錢三千七百二十七千二百一十文共用吉錢六萬三千千合銀一萬三千六百九十五兩六錢五分二釐二毫當由該堂監督呈請提學使派員驗勘均係工堅料實實用實銷並無浮冒等情備具冊結詳請奏咨前來_臣等覆覈無異除將詳細冊結咨部查照核銷外所有吉林改建方言學堂動支經費緣由理合附片具陳伏乞

聖鑒再前准學部咨行未設方言學堂省分不必再立等因查吉省該學堂係於上年四

月未奉部咨先已設立合併聲明謹

奏光緒三十四年八月十九日具奏九月十三日奉

硃批該部知道欽此

附奏吉省創設實業學堂摺

奏爲吉省創設實業學堂造就人才以厚民生而圖本計恭摺仰祈

聖鑒事竊_臣等前准農工商部咨行御史成昌奏准通飭各省推廣實業學堂一摺並准學部咨行各省籌設中等初等各項實業學堂等因仰見

朝廷務材勸農通商惠工之至意查吉省幅員廣博土脈膏腴物產之饒爲全球所注視祇以風氣樸樸提倡乏人以致利源莫闢貨棄於地_臣等抵東後默察吉省情形鐵軌交錯商埠競開同處闐闐之中不能周知百貨之盛衰異域之性情嗜好必無以操其奇贏則商業宜亟講求也森林之富經數千年之磅礴鬱積以供今日斧斤製造之需加以蔕茸之珍皮毛之利轉輸及遠挹取無窮則農業工業宜亟講求也據松花嫩江之流域浸潤灌輸魚族之繁網罟之便外人臨淵生羨則航業水產宜亟講求也顧論形勢之爭競並駕已嫌其遲而劑財力之盈虛兼營實有不逮吉省除吉林長春兩府賓州榆樹農安等廳縣尙稱繁盛此外各屬求其戶口蕃殖人知嚮學者殊不多觀邊瘠情形迫殊內地刻欲振興實業惟有就省會地方首先設學

以期樹厥風聲徐圖進步臣等現在省垣東關外設實業學堂一所仍由提學司管理並檄委候選道陳繼鵬爲該堂監督暫定學額一百六十名惟實業待興甚亟自應遵照奏定章程變通考選先習豫科二年後再行考驗擇其質性相近者分入農工商本科學習以資深造而期成材其修業年限並卒業時獎勵均請比照中等實業學堂辦理該堂開辦經費計建築營造並購置圖書標本器具等項共用銀五萬九千餘兩常年經費每年約需銀五萬兩均由司陸續墊發一俟籌有的款再行造冊報銷其餘各屬實業學堂容隨時督飭寬籌經費分別設立除分咨農工商部學部立案外所有吉省創設實業學堂緣由理合恭摺具陳伏乞

皇太后


皇上聖鑒訓示謹

奏光緒三十四年八月二十日具奏九月十三日奉

硃批該部知道欽此

紀游學

光緒三十一年將軍達桂遣派留吉人員李樹恩李達春赴日本考覈政治嗣又選派本地士紳張松齡等二十餘人留學日本東京維時吉省庶政更張師資缺乏需才孔急故派往之員入宏文同文各校習普通暨速成師範者十餘人入警監學校者八人入法政大學速成科者三人或一年畢業或二年畢業先後返吉任本省學務比年教育進步師徒莘莘實爲派遣留學生之效世昌以茲立憲時代尤非得高等人才不足以資任用因與巡撫朱家寶提學使吳魯一再商酌將留日畢業生張松齡榮陞李振藩王樹聲孫文敷等送入法政大學專門科肄業柳乙青送入早稻田大學肄業將軍達桂前所派往俄國留學生李垣已入俄國皇家大學校復添派崔恩培入東京第一高等學校第一部肄業旋又飭由提學使曹廣楨補助留日自費生三名女學生一名以鼓勵之異日畢業而歸當大有造於吉省也



蘇子學堂
PDG

附吉省官費游學生一覽表

姓名	別年	歲籍	貫游學地方	所入學校	游學年月	畢業期限	每年學費平均
李樹恩	二十八歲	江蘇無錫	日本東京	宏文學校	光緒三十一年十一月	三個月畢業	三百六十兩
李達春	三十二歲	浙江會稽縣	同上	宏文學校	同上	六個月畢業	三百六十兩
裕康	二十一歲	吉林駐防滿洲附入 京都御營旗滿洲四 甲喇德貴佐領下人	同上	法政大學政治部	同上	因病回國並未畢業 業一年半畢業	三百六十兩
樹霖	二十五歲	吉林烏錫營鑲黃旗 勝福佐領下人	同上	警監學校	同上	一年畢業	三百六十兩
景芳	二十五歲	吉林瀋州鑲黃旗漢 軍德雲佐領下人	同上	警監學校	同上	一年畢業	三百六十兩
文耆	二十一歲	吉林滿洲正黃旗 曹佐領下人	同上	警監學校	同上	一年畢業	三百六十兩
衣迺經	二十二歲	吉林府民籍	同上	警監學校	同上	一年畢業	三百六十兩
廣臣	二十二歲	吉林滿洲正白旗 慶佐領下人	同上	警監學校	同上	一年畢業	三百六十兩
恩溥	二十一歲	吉林烏拉內務府正 白旗管領下人	同上	警監學校	同上	一年畢業	三百六十兩
榮貴	二十一歲	吉林烏錫營正黃旗 豐慶額佐領下人	同上	宏文學校	同上	因病身故並未畢業	三百六十兩
巴揚阿	二十一歲	吉林蒙古鑲紅旗 順佐領下人	同上	宏文學校	同上	一年畢業	三百六十兩
孫樹棠	二十七歲	吉林府民籍	同上	宏文學校	同上	一年畢業	三百六十兩
張松齡	三十歲	吉林府民籍	同上	宏文學校	同上	一年畢業	三百六十兩

學務 吉林省

二十